



UNIVERSITÄTS-
BIBLIOTHEK
PADERBORN

Practica Octaviani Vestrii I. C. Foro Corneliensis

Vestri, Ottaviano

Coloniae Agrippinae, 1597

VD16 V 940

De commissario cameræ apostolicæ, eiusq[ue] officio.

[urn:nbn:de:hbz:466:1-63002](https://nbn-resolving.org/urn:nbn:de:hbz:466:1-63002)

interfit (utpote de alicuius principis obedientia Pontifici præstita, ac similibus per aliquem ex Protonotarijs Apostolicis ad perpetuam rei significationem memoriam publicum fiat documentum. Reliqua, quæ ad hoc munus spectant, facile poteris in foro versans à te ipso dignoscere. Hæc tibi probreui monstratione nostra satis erunt.

ANNOTATIONES.

- Procurator fisci. Si antiqua monumenta legamus, illud fisci procuratorem appellatum fuisse dignoscemus, cuius omnis res fisci commissæ erat: quem Iul. Capitolinus in Maximino rationalem appellat, cum ait. Erat fisci procurator in Libia qui omnes Maximini studio spoliaverat. hic per rusticanam plebem interemptus est, sed cum per eos, qui rationalem in honorem Maximini defendebant, viderent auctoritate cedis, &c. & huic sententiæ Lampridius in Alexandro accedere videtur. Quæ fuit Alciati quoque sententiæ titulus fund. reipub. prius. lib. 11. quæque testimonio Imperat. comprobari potest, in l. curator, C. de modo multarum, ubi Legista appellatur, id est, rationalis. Et differt procurator fisci à procuratore Cesaris, quicquid Alciat. eo loco dixerit. Nam Cesaris procurator dignitate superior fisci procuratore erat, l. ad fiscum, & l. sequent. C. ubi causæ fiscales, & quod sit discrimen, nuncupatim docuit Paul. Castren. in l. 2. C. si aduer. fiscum, quia officium procuratoris Cesaris in iudicando consistit. d. l. 2. Procuratoris autem fisci in agendo atque procurando, qui quandoque curator reipub. appellatur. d. l. curator. Nic. Anto. Granatius.

De Commissario Camera Apostolica,
eiusque officio.

C A P. X.

Post

Post procuratorem fiscalem sedet quoque commissarius eiusdem camerae Apostolicae, qui eiusdem camerae negocia tractare, gerere & exequi solet, quae ad iudicia non attinent. Is exactionibus publicisque functionibus, & vectigalibus, ac etiam annonae & cudendae pecuniae, aliisque cameralibus negotiis praest. Estque hoc munus ex sui natura non vulgare, cuius auctoritatem ostendit suo tempore Ioannes Baptista Brocchus Imolen. maior auunculus meus, qui auctoritate sui officij se ad ipsum munus ad eum euexit, ut totam Urbem, ac vniuersam Rom. Curiam machinam regere cunctis videretur, sed nostrae aetate humilioris vestrae conditionis, & omnia ferè, quae ad hoc munus spectant, Gubernator Thesaurarius, Praesidens & Procurator fiscalis gestant.

A N N O T A T I O N E S.

Commissarius. Non modicum aetate superiore commissarij Camerae munus fuit. Nam edilis officio, Monetarium, denique Quaestoris fungebatur. Ceterum nostra aetate his muneribus vacuus est. Cum Urbis Gubernator, Thesaurarius, Praesidens, Fiscique procurator illa veluti, quae ad eos pertinent, exerceant. Sic, ut Commissario Camerae illud euenisse videatur, quod Corniculæ, quae auihus prestare gloriabatur, sed cum illae pennas repeterent, nuda inuenta est, facete tamen dictum sit scio enim graues huic muneri viros praesse, quibus honorifica nec in praesentia deficit potestas. Nicom. Anto. Grauiatius.

De Clerico sacri Senatus, seu collegio Reuerendiss.
Card. in camera Apostolica
residente.

C A P. X I.

Vlti.